



Nuuk, 19. Maj 2015

Per Rosing-Petersen

UPA 2015/11

2013-imut Nunatta Karsiata naatsorsuutaasa akuersissutigineqarnissaannik siunnersuut.

(Aningaasaqarnermut Aatsitassanullu Naalakkersuisoq)

Immikkoortoq 11-mut, nunatta karsiata 2013-mi naatsorsuutaasa akuersissutigineqarneranut imatut Partii Naleqqamiit oqaaseqassuugut.

Kukkunersiui nermit Ataatsimiititaliaq aappassaaneer neqarnissaanut ileqqusoq malillugu isumaliutissiissusiorsimavoq, tassanilu immikkut ataatsimiititaliap suleriaasiata killiffia eqqartorpaa. Kukkunersiui nermit Ataatsimiititaliap suliaqarnermini killiliussat annertusarnissaata piffissanngornera Partii Naleqqamiit isumaqatigisorujussuarput. Kikkut tamat oqartussaaqataanerani sinaakkusersuinermit ataatsimiititaliaq pingaarutilerujussuarmik inissisimavoq, aqutsilluartoqarnissaanullu sissuertuulluni. Taamaattumik aamma ilanngullugu ataatsimiititaliap tutsuiginassusaa tatiginassusaa lu pingaaruteqartorjuulluni.

Tassani aamma immikkut Partii Naleqqamiit pingaaruteqartutut aningaasameeruttulerfitta nalaani taarusupparput, aningaasanik atorluaanerunissatsinni nalilersuinit sanni ingerlatsiner mik kukkunersiui neq periarfissatsialaammat aamma pisariaqartorjuummat ataatsimiititaliap tassuna annertusaaniarnera tamakkiisumik tapersorsorsigu.

Siunnersortinik avataaneersunik atuinermut atatillugu Partii Naleqqamiit oqaatigerusupparput taamannak aningaasartuutinik annertusiartuinnartumik atuneq akuersaarsinnaanngillu innaratsigu, ilaatigut atorfilittat soraarnikut taamatut atorneqartarnerat aningaasartuutitut nanertueqataavoq, iluamillu ingerlatsineq angusaqar neq malunnaat ilimmik siuariarani, pissutsit tamakku akuersaarnanngillat aammalu kinguneqartinneqartariaqarlutik.

Peqqissuseq sinaakkutilersoruminaassinnaasarpog, tamanna Partii naleqqamiit ilisimaaraarput, taamaattorli Peqqinnissaqarfik aningaasanik aqutsinissaminut sakkussaminik ukiuni kingullerni sukaterisitsinikuuvoq. Taamaakkaluartorli sulii aqutsinissaannginnermik 2013-mi naatsorsuutini ersarippoq, tassami makku oqaatsit isumaliutissiisummi peqqinnissaqarfiup aningaasanut aqutsiniarneranut atornerarput.” piaaraluni minnaaraluni missingersuusiortoqartarsimaneranik” tamakkulu oqaatsit sakkortuupilussuupput inatsisartutullu iliuseqartarialersitsillutik.

Isumaliutissiisummi immikkoortoq 3.2 Akissarsiat soraarnerussutisiallu, tassunga atatillugu oqimaassitsinermi 3 miliuuninik nikingassut sooq taamaannersoq paasineqarsimanngitsog aamma ernumanarpoq atuarlugu, taavami naak taakku 3 miliuunit, Naalakkersuisut akuersaaginnarpaat 3 miliuunit ”tammarnat”?

Immikkuualutut ataasiakkaannguit taamannak eqqartorialugit ataatsimiititaliap isumaliutissiisutaani eqqartorneqartut isorinnissutillu ilanngullugit aqqinneqarnissaat Partii Naleqqamiit piumasariissuarput aammalu kukkunerit malitseqartinneqarnissaat piumasarlugu.

Una isumaliutissiisut naammassereerlugu ullumi sisamanngorneq paasissutissat suliatinnut atatillugu tamatigoortuunissamik ataatsimiititaliaq tunngaveqarmat naliliinitsinni pisariaqarsimanersut ilanngullugit eqqartorneqarnikuunnginnatsigit Partii Naleqqamiit isumaqarpugut immikkoortoq siunnersortinik atorfinittisarnermut tunngasoq ataatsimiititaliami nalilersoqqinneqartariaqartoq, taamaattumik kissaatiginassooq suliaq unitsikkallalaariarlugu ataatsimiititaliap misissussagaa ukua paasissutissat nutaat naliliinermut qanoq sunniuteqassanersut, ilasariqaarpallu imaluunniit allannguisoqartariaqarpat allanngortitseriarluta, naammassisutut taava isigiumaarparput ataatsimiititaliallu tamatigoortuunissani taamaasillugu innarlernagu. Partii Naleqqamiit isumaqarpugut tamanna pisariaqartoq, siunissamilu ataatsimiititaliap sulinerani tamakkuninnga pisoqaqqinnginnissaa qulakkeerneqartariaqarpoq.

Taamatut oqaaseqarluta kukkunerisuiinermi Ataatsimiititaliap avataaniit kukkunerisuiisussatut Deloitte-kkut innersuunneqarnerat, uani qulaani eqqaasatsituut naammassivinngikkalualuta, akuersaarsinnaallugit.

Qujanaq